



**Philippi Ecclesiæ Eystettensis XXXIX. Episcopi. De  
Eivsdem Ecclesiæ Divis Tvtelaribvs. S. Richardo. S.  
Willibaldo. S. Wvnibaldo. S. Walpvrga. Commentarius  
nunc primum evulgatus**

**Philip *<Eichstätt, Bischof>***

**Ingolstadii, 1617**

I. De scriptoribus vitæ VVillibaldinæ, VVunibaldinæ & VValpurginæ.

---

[urn:nbn:de:hbz:466:1-70477](#)


**OBSERVATIO-**  
**NVM IN COMMEN-**  
**TARIUM PHILIPPI E-**  
**PISCOPI EYSTETTENSIS, DE**  
**VITA ET REBUS GESTIS SS. RI-**  
**CHARDI, WILLIBALDI, WVN-**  
**baldi & Walpurgis.**

*LIBER PRIMVS.*

CAPVT I.

*Descriptoribus vita VVillibaldina, VVu-*  
*nibaldina & VValpurgina.*

**V**ITAM & res gestas S. Willibaldi litteris mandauit I. Sanctimonia illa, quæ *Hodæporicon seu Itinerarium, Hierosolymitanum* S. Willibaldi conscripsit; quod exstat *Tome IV. Antiquæ lectionis; vbi etiam D. Canisius disquirit, num Monialis ista fuerit ipsa Walpurgis, soror Willibaldi; an aliqua alia. Et credibilius est aliam fuisse, obrationes, quas ibidem D. Canisius adducit, tametsi Adalbertus Abbas Heidenheimensis pro certo habet, S. Walpurgā de rebus gestis fratrum*

V suorum

suorum Willibaldi & Wunibaldi commentaria scripsisse, profitetur enim nō semel, se ex his lucubratio-  
nē suam de S. Willibaldo & Wunibaldo contexuisse. Eiusdem sententiæ est Medibardus in Rhythmis de  
S. Walpurga. *Superstes, inquit, utriusque fratri, utrinque breuiter, sed veraciter conscripsit vitam insignissimam.*  
Quanquam errat, cum Walpurgam utriusque fratri superstitem fuisse ait; mortua enim est ante Willibaldum, ut testatur Philippus & alij. Vtrum autem Adalbertus *Hodæporicon*, &c., historiam Willibaldinam, quæ Tomo I V. Canisiano existant, significet; eaque à S. Walpurga conscripta crediderit, analia commentaria ab eadem virgine elaborata viderit, affirmare non habeo. Certè pleraq; si non omnia, quæ Adelbertus adfert, in historia Willibaldina & in Hodæporico inueniuntur; quod Hodæporicon stylo paululum limatiore *Anonymous* quidam reddidit, recisis nonnullis, ut Tomo I V. Antiquæ Lect. videre licet.

II. Eandem vitam Willibaldinam in literas retulit Reginoldus XI. Eystettensis Episcopus, teste Bruschio in Catalogo. Num verò Historia, quæ Tom. IV. Antiq. Lect. inserta est, sit illa, quam Reginoldus scripsit, non facile dixerim.

Jdem Reginoldus Musices peritia pro temporum illorum ratione excellēter instructus, rhythmis quoque ad Musicos modulos accommodatis S. Willibaldum coherestauit; de quo *Anonymous* Auctor, qui sub Gundakaro II. huius nominis Eystettenſi Episcopo vixit, ista. Reginoldus, accepto Episcopatus summo studio summaq; deuotione, *historica de S. Willibaldo carmina composuit, totamq; scientiæ sua vim in his decorandis atque*

atque mirabiliter variandis excitauit. Hinc est enim, quod quibusdam Responsoriis longissimas in fine notulas apposuit, eisdem q̄ notulis versiculos, instar sequentiarum, subiunxit. Quod quidem intertio, sexto, & nonofecit. Et tertio paucos versiculos, sextoplures, nono dedit plurimos. Sed vide ordinem. Tertio minimum iter, id est, initium peregrinationis attribuit, scilicet, ubi de patria exiuit. Sexto maius, quo Romanum venit. Nono maximum, quo Hierosolymitani itineris qualitatem in versiculis noni Responsorij conatus est exprimere. Nam quemadmodum sanctissimus viator noster de Italia in Greciam, de Gracia in Iudaam, iterumque de Iudea in Greciam, de Gracia in Italiam, & inde huc ad nos usque saluus peruenit: ita solertiſſimus noster Musicus primò latinos, deinceps grecos, mox hebraeos, iterumq; grecos, ad ultimum latinos fecit versiculos. Hucusque Anonymus. Sed num hæc Responsoria, & tam exasciata cantica & carmina aliquibi supersint, nescio. Hoc scio, in Breuiario & Missali Eystettensi non comparere.

III. Vitam Willibaldinam ad posteritatis memoriā transmittere studuit Philippus XXXIX. Eystettensis Episcopus, quem nunc primū in lucem proferimus; haec tenus enim in membranis, calamo exaratis delituit; nisi quod superioribus annis Reverendissimus Dominus Laurentius Eyszephius, Suffraganeus Eystettensis, epitomen quandam inde confecit, & euulgauit in charta, ut vocant, patente: & cum commentarius Philippi non tantum contineat res gestas S. Willibaldi; sed & nonnulla de SS. Richardo, Wunibaldo & Walpurga delibet, epitome Eyszephiana de iisdem Sanctis nequaquam siluit. Quidquid autē Philippus in hac lucubratione adfert, id se ex antiquioribus monumentis accepisse non semel testatur.

*De S. Richardo nihil ex instituto, quod ego quidem compererim, reperitur, præter id, quod Tomus I. Surij ad VII. diem Februarij suppeditat. Epitaphium nonnulli indigitantur.*

S. Wunibaldi vitam sanctimonialis Heidenheimensis conscripsit, stylo impolito & prorsus in culto, quam inuenies Tomo I V. Canisiano, sed fine mutilam, quamvis pauca deesse videantur. Vterq; tamen codex manuscriptus Arcis Willibaldinæ, verbis illis terminatur: *Et gaudens pergebat, qui tristis veniebat. Omissis illis, quæ in Canisiapa editione subiunguntur, ut probabile sit, editioni Canisianæ potius aliquid superesse, quam deesse.*

Scriptis etiam S. Walpurgis de rebus gestis & miraculis S. Wunibaldi, testibus Philippo cap. 2 8. Adelberto & Medibardo, de quibus supra. Quæ scriptio vel periit, vel alicubi adhuc delitescit; nam illa quæ Tomo I V. Canisiano inserta est, ab alia manu venit. Adfert Philippus in hoc suo commentario non paucade S. Wunibaldo, cuius acta longè antè scriptis illustrauerat Reginoldus Episcopus, teste Bruschio, sed scripta hæc vel interierunt, vel alicubi adhuc cum blattis & tineis, cumque situ & puluere bellum geruntur.

De eodem Sancto edidit ante paucos annos non in eruditum commentariolum, R. P. Carolus Stengelius, Ordinis D. Benedicti, Augustæ Vindelicorum, ad S. Valericum Professus, interspersis haud paucis de S. Richardo, de S. Willibaldo, de S. Walpurga, deq; eorundem cognatis, S. Bonifacio, S. Willibrordo, & S. Sola.

Res S. Walpurgis proprio syntagmate complexus est Philippus, quod Tomo IV. Antiq. Lect. leges, Ex quo

quo iussione Monialium Walpurgensium confecta est illa Epitome, quam non ita pridem publicauit D. Petrus Steuartius, Academiæ Ingolstadiensis Professor & Procancellarius. Philippum antecessit Wolfardus Hasenriedensis, qui vitam & miracula D. Walpurgis quatuor libris exposuit; quos Erckanbaldo Episcopo Eystetteni dedicauit, duos priores, quamuis non integrè, vulgauit Tomo IV. D. Canisius. Omnes & integros, adiunctis tamen Canisianis, debet lector D. Steuartio, qui ex Codice manuscripto eos exscribendos, & in lucem promendos curauit.

Porro miracula S. Walpurgis, quæ Wolffardus soluta oratione executus est, rhythmis inclusit *Melibardus* seu *Medingaudus*, cuius metricum laboré nunc tandem in publicum proferimus; commodissimè Wolffardo Steuartiano iungi potuisset, si cùm excuderetur, ad manum manuscriptus codex fuisset.

De Wolffardo hanc historiolam reperi in Anonymi, de quo ante, syntagmatio. Cum grauiter contra Episcopum (Erckanbaldum) deliquerisset, & in carcerem missus, veniam per neminem impetrare potuisset, egomet, inquit, intercessor mihi fiam, factus q̄ in carcere historicis de sancta V Valpurga carminibus, tandem egredi permisus, ut ante Episcopum venit, nouum illud sanctæ Virginis Responsorium alta voce percant auit, sic q̄ non solum veniam, verū etiam honorem & remunerationem promeruit.

Supradictis scriptoribus omnibus antiquior est S. Willibaldus, quem sororis suæ Walpurgæ vitam, in literas misisse, scribit Balæus Centuria secunda scriptorum Britannicæ, & Centuriatores Cent. I I X.

Jdem Balæus Cent. V II. alium vitæ Walpurginæ scriptorem nobis suppeditat, Ioannem videlicet Pole

V 3                    seu

seu Polum, illustris generis sacerdotem; ipse per columnā sacrificulū appellat: qui in Italiam profectus, Richardi cuiusdam Anglorū reguli Sarcophagum in quodam pagoreperit. Siccine Luca nobilissima & amplissima. Hetruriæ civitasti pagus est? Ibi enim sepulchrum S.Richardi visitur. Nec alibi Polus iste Sarcophagum S.Richardi reperire potuit, quam Lucæ. Quid amplius Balæ? Ex cuius filie Walpurgæ, mulieris olim Anglice, amore, vel saltem ad eam, ut loquuntur, devotione, quidquid monumentorum veterum illic reperire poterat, arrepto statim calamo, membranis tradidit. Bonum factum, ô Balæ, utinam Poli huius lucubratio non ad tuas, sed ad nostras manus peruenisset. S.Walpurga mulier fuit; sed sancta & virgo, in eius cultum meritò accensus est Polus, quandoquidem nō ignorabat, eam cum Deo in cœlis immortalem vitam agere; Itaque si vitam S.Walpurgæ uno libro, & uno itidem miracula eius complexus est, fecit, quod pietas & reverentia exigebant; qui, si scribit, magnum illud Deiparæ dicatum templum Antuerpiæ primitus à S.Walpurga exstructum esse, caussas sine dubio, cur id scriberet, habuit. Ego cùm Auctorem istum non viderim, nihil quod aut affirmem, aut negem habeo. Claruisset feretur Polus anno M.CCCC.XXX.mortuus & sepultus Coloniæ.

Addatur deniq; Adelbertus Abbas, qui sub Eugenio III. Pont. Max. syntagma quoddam de tribus his Diuis collegit, tametsi potissima eiuscura est ostendere, quomodo Monasterium Heidenheimense à S.Wunibaldo conditum, & postea ad Canonicos seculares translatum, opera Eugenij III. Rom. Pont. & Eberhardi Episcopi Bambergensis ad Ordinis Benedictini professores redierit.

Silenc-

Silentio hic præterire nequeo clarissimum, mihique, dum viueret, amicissimum virum D. Henricum Canisium SS. Canonum in Academia Ingolstadiensi Professorem celeberrimum, quem de Divis Eystettensis Ecclesiæ quām optimè meritum esse, nemo sacerdotis abnuerit: cūm eis vitam quodammodo apud homines restituerit, vindicatis in lucē Commemorariis, quibus eorum præclarè facta explicantur: Ipse enim Tomo IV. Antiquæ Lectionis vitam geminam S. Bonifacij euulgauit; alteram, scriptam ab Othlano, alteram, à S. Willibaldo. Ipse eodem Tomo, cūm alia ad S. Willibaldum pertinentia, tum duplex eiusdem Hodœporicum seu Itinerarium protulit. Ipse S. Wunibaldi vitam antea nō visam lectoribus legendam exhibuit. Ipse Commentarium Philippi Episcopi Eystettensis de vita S. Walpurgis, & alterum Wolffhardi Hasenrietani de miraculis eiusdem sanctæ Virginis publicauit, ut proinde & lectores, & Biographi, & ipsi Diui nostri laboribus Canisianis gratias debent; quas eum à cœli indigenis iam accepisse ipsa infelicissimam illorum societatem cooptatione; nullus dubito, & ut non dubitem facit vita semper inculpatè ac innoxie acta; & si quisquam est, cuius tumbæ meritorum adscribatur:

JNTEGER VITÆ SCELERIS QVE PVRVS  
is Hearicus Canisius est.

Circumferuntur de iisdem Divis Eystettensibus quædam vernaculo idiomate, quorum pars edita, pars inedita; nam quæ ex Codice Walpurgensi latine publicauit D. Steuartius, ea quoque in Germanicam linguam translatas sunt; sed typis non excusa, tametsi digna typis, ut & latine linguae imperiti intelligent, quām

Hierem. 6.

quām procul à maiorum suorum tramite abscesserint; qui malunt iam aures dare Luthero vel Caluino, quām fratribus S. Walpurgæ, Willibaldo & Wunibaldo. State super vias, monet Propheta, & videte & interrogate de semitis antiquis, quæ sit via bona, & ambulate in ea: & inuenietis requiem animabus vestris. At quis fructus huiustam fructuosæ & salutiferæ admonitionis? Et dixerunt: Non ambulabimus; Et constitutis super vos speculatoribus: Audite vocem tubæ (Willibaldinæ & Wunibaldinæ) & dixerunt: Non audiemus. Quis obstinatæ huius pertinaciae finis? Ecce ego adducam mala super populum istum: fructum cogitationum eius: quia verba mea non audiunt & legem meam (per Willibaldum & Wunibaldum annunciatam) proiecerunt.

## CAPVT II.

*Etymon, originatio & diuersitas scripture nominis VVillibaldi, aliorumq[ue] hoc pertinentium.*

**V**N omnibus ferè huius generis vocabulis, quæ à septentrionalibus populis fluxerunt, magna apparet scripturæ varietas, quam, si nomen VVillibaldi non effugit, quid mirum? Hinc legas: VVillibaldus, VVilibaldus, VVilbaldus, Bilbaldus, Bilibaldus, VViliboldus. Frustra enim sunt, qui separant; cùm & o in his permutare per quam solemne fuerit: nam cui ignota sunt ista? Reginaldus, Reginoldus, Arnaldus, Arnoldus, Magnoldus, Magnaldus seu Magnoaldus, Bernoldus, Bernaldus? Apud Auentinum hominem nouandorum vocabulotum cupidissimum lib. 3. Annalium Boicorum inuenies VVilewaldum; & fratrem eius VVilebal-